

建寧府志卷之六

城池

山川丘陵為國之險而王公所設以守者則城池
要也建郡城池背黃華面紫芝東西二流合襟
兌方環郡之內建甌二縣附焉其外六縣亦各
枕丹山襟碧水鞏固於郡之左右雖非天府之
雄就八閩觀之實上游之勝郡也志城池

建寧城自泐時兩將軍相繼增築包山臨溪展拓
之功倍於舊址壯哉郡也吾嘗登黃華山望西

建寧府志

卷之六

城池

三百〇七

五

北一帶曠無人居大抵皆蓮塘魚沼民漁佃其
中此非時將軍所增闢朝陽拱北間地乎而泐
將軍所拓西南二門於管門外煙火最盛貨物
皆輻輳焉然後知時將軍之善繼泐將軍之功
也凡物之太滿者必有餘地以洩其氣而後其
滿者常存造物所以留不盡之缺陷也歷觀天
下名都大郡其規制往往類然獨疑城西北曠
遠塚衆防兵有數守禦實難古不云乎衆心成
城則人和之說勝矣然莒恃其陋而不備春秋



譏之則鑿斯築斯固守土者所宜未雨綢繆也
建寧府城

漢景耀三年吳以王蕃為建安郡太守始築城於

溪南覆船山下宋元嘉初太守華瑾之遷於黃

華麓即今府城梁末為蕭基所焚太守謝竭立木柵

於溪西為治所今城西敬客坊陳刺史駱文廣復徙覆

船山下唐天寶中張刺史舊失其名建置樓閣建中

元年刺史陸長源復築城建第舍於黃華山麓

袤九里三百四十三步高二丈廣一丈二尺為

建寧府志

卷之六

城池

二

三百二十八

門九南曰建溪東南曰資化西南曰建安東曰

寧遠西曰水西水西之東曰西津後改萬石西

津之南曰臨江東南隅曰通安北曰朝天天祐

中刺史孟威添築南羅城宋改西門曰平政後

晉天福五年偽閩王延政又增築之廣二十里

宋靖康建炎間郡人范汝為叛城遂廢紹興十

四年復圮於水郡守張銖修築又重建寧遠門

二十年郡守黃輅重建朝天門淳熙元年郡守

傅自得重建通安門端平二年郡守姚瑤重建

建溪資化建安水西萬石臨江六門元罷守禦
城日圯至正十二年紅巾入寇郡守趙節因舊
址修築周九里三十步改寧遠門為高門萬石
門為西門通安門為捲秋門建溪門為南門資
化門為長橋門建安門為市門又改為管門其
臨江平政朝天三門名各仍舊明洪武二年指
揮沐英又拓其西南為通濟在管門西南隅威武即今西南門
臨江三門改高門仍為寧遠門捲秋門為政和
門長橋門為通僊門南門為廣德門其平政朝

建寧府志

卷之六

城池

三

三百二十九

天臨江三門名各仍舊十九年指揮時禹復請
增廣之西自威武門抵朝天門包黃華山於城
中增闢二門曰拱北曰朝陽城周二千七十九
丈三尺有奇高一丈九尺城樓二十有四窩舖
七十有六女牆二千一百三十有八濠東北自
黃華山下至政和門止西北自威武門至拱北
門止長五百三十一丈一尺濠一丈五尺濶五
丈五尺正北依山西南濱大溪永樂間以拱北
朝陽二門地僻人鮮由之奏請閉焉弘治間僉

事彭誠於各城樓之前建亭有八曰永清曰太清曰肅清曰涵清曰得清曰憲清曰廓清曰善清嘉靖間僉事張儉又建樓於廣德門城之隅扁曰匯江卽舊八角樓故址通濟門河岸近溪路窄不便登臨萬曆三十二年甌寧知縣駱駿曾捐俸採石砌結堤岸於黃華亭下三十七年水災威武門樓漂流臨江通濟通僊廣德五門皆崩知府張璇知縣易應昌重建明末門甕改窄城內屢災

建寧府志

卷之六

城池

四

三百〇七

國朝門仍其舊城垣高二丈八尺城梁三千八百梁女牆高八尺城樓八座康熙五年二月建安知縣余光魯甌寧知縣章可程重建二十五年夏大水六門城牆俱崩甌寧知縣鄧其文倡率重修三十一年十二月戊戌通濟門城兵弗戒於火城樓災甌寧知縣鄧其文捐俸重修

水溝一道

源出自黃華山外橄欖坑於城址鑿洞引入行都司委蛇入建安縣儒學泮池東流會於濠西出

大溪續裁革行都司而水道壅塞建庠之水亦斷流矣萬曆四十年建令仙克謹甌令易應昌申詳知府陳儒羅文寶轉詳巡道戴王言守道吳中偉按院陸夢祖行委建甌二縣縣丞王慶彭彬疏復設法窮源水始不斷今水道仍塞畱心地方者復爲疏濬人文興起將於是賴焉

城內濠池水

水源導黃華泉自水街頭分東由大濠棟至寧遠門岐下南繞倉橋至府前平政橋歷陞華橋以

建寧府志

卷之六

城池

五

二百九十九

壽

溯恩波橋而上西經小濠棟折而西南與恩波橋水會總由水洞口四平圍出舊濠兩岸皆濶丈餘後爲居民侵占明萬曆二年知府許天贈復故道兩岸爲路河流始通續復湮侵占如故崇禎十二年郡人張調鼎倡衆疏復

國朝康熙元年知府高攀龍重疏

建陽縣城

古有大潭城依山臨溪城設四門東景陽西景肅南景舒北駐節承平久城復於隍惟有故址明

弘治元年知縣張津奉部符重築始用磚石
計二丈五寸周一千一百二十八丈四門仍舊
又增置永安永寧二門以便民居汲路林北嘉
為記
靖辛亥大水永寧門陷知縣馮繼科重修萬曆
間知縣魏時應奉檄勘城增各城垛三尺已酉
大水永安景陽二門東北窩舖悉圯知縣葉大
受董暹相繼修築

崇安縣城

原無城第據四境阨塞以守明隆慶二年知縣余

建寧府志

卷之六

城池

六

二百七十八

壽

乾貞為崇計久遠乃以城請條陳十二事當道
報允為築今城周圍九千丈有奇高二丈四尺
厚半之為門四東曰朝宗西曰慶豐南曰景陽
北曰拱極小水二門尚書馬
森作記本朝順治五年
駐防曾天壽設四門月城康熙二年大水壞城
三處共計三十餘丈駐防張光然署縣事通判
嚴雲官重修

浦城縣城

漢東越王餘善築城臨浦號浦城後廢元至正二

十三年守將岳承祖因舊址復築東距越王臺北包皇華山南瀕大溪西塹溪濠廣袤七里爲門四二十六年明師克浦城鎮守張指揮改築而縮其半明洪武二年罷守衛兵城日以廢十二年知縣張宗顏平其址以廣民居正統十四年流賊犯境縣丞何俊築土城爲保障成化六年巡撫都御史滕昭以浦城爲八閩要衝且左鄰處州永豐時有草竊攘奪坑利宜建城壘備非常疏請得旨檄按察司副使劉城董其役逾

建寧府志

卷之六

城池

七

三百五

壽

年告成周一千八百丈高一丈九尺濶倍之爲門五東曰金鳳西曰迎遠曰德星南曰南浦北曰拱北各建樓櫓又附小門五以通水利窩舖二十學士錢溥爲記萬曆己酉知縣黎民範方道通天啓間高欽順崇禎間楊鶚丁辛相繼修築

國朝五門仍舊五小門有華豐門水埠門小北門今閉

松溪縣城

舊無城壤地與處州慶元毘連無險可守每爲礦

賊流劫民甚病之明洪武元年奉部符築造
潦衝嚙汔無成功嘉靖丁亥知縣閔魯奉院道
檄用磚石重築周圍九百五十五丈高一丈六
尺厚一丈東西南北凡四門嘉靖十四年知縣
黃金復作二水門崇禎十六年知縣錢嘉徵重
新 本朝順治初更於西南闢二門通樵汲十
六年知縣伍逢行修康熙二年知縣董良楨重
新之二十五年大水城垣半塌知縣沈煥倡衆
修築屹然完固

建寧府志

卷之六

城池

八

三百五

政和縣城

舊無城且無險阻可守縣民屢困於處之流賊明
弘治元年賊突至劫掠庫藏而去知縣柴曦因
築土墻一百餘丈暫爲防禦後奉部符築磚城
北遶崇山南臨大溪高一丈六尺厚一丈周二
千二百二十三丈構樓二百二十間女墻二千
六百三十一窩舖二十四城門三東曰崇德西
曰尚義南通星溪橋歲久漸圯嘉靖四十一年
被倭燬陷萬曆四年知縣張應圖改築半山

今城也周圍八百四十三丈垛口一千五百有
四高二丈 本朝順治十八年緣溪城堞復圯
康熙三年知縣馬之彥築完

壽寧縣城

明景泰間割政和福安二縣地新設與處之慶元
永寧溫之泰順接壤地多坑塲羣盜聚散不時
弘治三年奉部符築造城垣時按察副使蕭謙
相厥形勢北西圍山東南跨溪周七百七十丈
高一丈六尺厚一丈石址築土而磚包之爲門

建寧府志

卷之六

城池

九

二百二十

弄

三爲水門二嘉靖四十一年被倭攻陷雉堞盡
壞隆慶五年復阨於水萬曆二十年院道委政
和知縣沈堃本縣知縣戴鏗會同勘議新築今
北門塞別開小東門